



Pou Biblikasyon Imedya: 15/11/2023

GOUVÈNÈ KATHY HOCHUL

**GOUVÈNÈ HOCHUL ANONSE YON OGMANTASYON NAN ENSKRIPSYON
ATRAVÈ KANPIS SUNNY YO**

*Pou premye fwa nan yon deseni, enskripsyon total nan tout sistèm nan ogmante
ane apre ane*

*Enskripsyon etidyan premye sik pou premye fwa ogmante nan tout sektè yo, 4.3
pousan nan tout sistèm nan soti nan otòn 2022 rive nan otòn 2023*

Nou ka jwenn done enskripsyon SUNY [isit la](#)

Gouvènè Kathy Hochul te anonse jodi a ogmantasyon enskripsyon atravè kanpis Invèsite Eta New York (University of the State of New York, SUNY) yo. Pou premye fwa nan yon deseni, enskripsyon total etidyan yo nan tout sistèm nan te ogmante ane apre ane, yon ogmantasyon 1.1 pousan an jeneral soti nan otòn 2022 rive nan otòn 2023 pou yon total de 367,542 etidyan Enskripsyon premye sik pou premye fwa – yon endikatè prensipal – te ogmante nan tout sektè yo nan 4.3 pousan, yon ogmantasyon ki pwomèt pandan SUNY ap travay pou akonpli vizyon Gouvènè a pou transfòme edikasyon siperyè an yon chemen pou mobilite asandan. Sektè teknoloji a te montre ogmantasyon ki pi fò nan nivo 13.3 pousan, ki te swiv pa kolèj kominotè a 3.9 pousan.

"New York kontinye fè pwogrè enpòtan nan direksyon pou konstwi pi bon sistèm edikasyon siperyè piblik nan peyi a epi kòm rezulta, gen plis jèn etidyan k ap chwazi SUNY", **Gouvènè Hochul te deklare**. "Mwen konnen pèsonèlman aksè ak edikasyon siperyè se yon motè pou mobilite sosyal. Se poutèt sa mwen pral kontinye fè envèstisman enpòtan nan sistèm edikasyon siperyè nou yo epi pran dispozisyon pou asire kolèj abòdab epi aksesib pou etidyan ki gen tout orijin."

Rektè SUNY an, John B. King, Jr. te prezante done enskripsyon yo pandan yon reyinyon espesyal Konsèy Administrasyon SUNY an. Ou ka jwenn prezantasyon li an sou lyen sa a [isit la](#), ki bay yon repatisyon pou chak sektè ak pa kanpis.

Rektè SUNY an King, te deklare, "Genyen yon plas nan SUNY pou chak Nouyòkè, epi gwo nouvèl la se ke plis etidyan atravè eta a ap dekouvri istwa siksè SUNY yo. Gouvènè Hochul ak lejislati a te fè yon envestisman enpòtan nan edikasyon siperyè, epi nou kontan wè plis Nouyòkè k ap pwofite tout bagay kanpis nou yo gen pou ofri—yon

edikasyon ekselan ak abòdab ki kapab pèmèt yo pou swiv karyè yo ak objektif lavi yo. N ap kontinye kontakte elèv ak adilt k ap aprann atravè eta nou an pou asire yo konnen opòtinite ki genyen nan kanpis nou yo ak èd finansye ki disponib pou ede yo rive la."

Manm Konsèy Administrasyon SUNY an, deklare, "Nou fyè dèské nou wè ogmantasyon enskripsiyon nan tout sistèm SUNY an pou premye fwa nan yon deseni. Gras ak lidèchip ekstrawòdinè Gouvènè a ak sa Rektè King, nou konnen SUNY ka kontinye devlope momantòm epi ogmante enskripsiyon alavans. Pou fè sa, nou dwe kontinye kreye, ogmante, ak amelyore opòtinite pou tout Nouyòkè yo ale nan SUNY, paske yon diplòm kolèj oswa yon sètifica deplizanpli enpòtan pou Nouyòkè k ap pran asansyon yo."

Sou direksyon Gouvènè Hochul, nan sezon prentan ki sot pase a, SUNY te voye yon lèt pèsonalize bay chak lekòl segondè Eta New York ki andeyò Vil New York pou konfime yo te admi yo otomatikman nan kolèj kominotè lokal yo pou yo ale nan sezon otòn sa a. Lekòl segondè andeyò Vil New York ki konfime yo te otomatikman admi nan kolèj kominotè lokal yo pou yo ale nan sezon otòn sa a.

Rektè King ak Konsèy Administrasyon SUNY te remèsyen ansyen Rektè Pwovizwa Deborah F. Stanley pou kontribisyon li pou ogmante enskripsiyon yo pandan tout mandan yon ane li a, ki gen ladan lanse premye inisyativ pou egzonere frè aplikasyon pou kolèj yo pou de semèn.

Lòt inisyativ enskripsiyon yo enkli SUNY Match – kote elèv ki pa admi nan premye chwa yo admi nan kanpis k ap patisipe yo; Transfer Match – kote kanpis k ap patisipe yo ofri admision dirèk pou elèv ki gradye nan kolèj kominotè SUNY yo; ak Pwogram Opòtinite Edikatif (Educational Opportunity Program, EOP) Match – kote aplikan EOP ki pa admi yo an premye kanpis chwa yo sou kritè akademik yo ofri konsiderasyon EOP nan kanpis k ap patisipe yo, pandan y ap tann revizyon kalifikasyon finansye.

Mwa pase a, Konsèy Administrasyon SUNY te apwouve tou yon egzonerasyon frè aplikasyon pou tout ansyen elèv AmeriCorps yo. SUNY gen egzansyon frè kontinyèl ki aplike a 60 poustan nan tout elèv lekòl segondè yo. Elèv ki nan swen adoptif, ki gen koneksyon militè yo, elèv ki gen revni fèb, ak elèv ki nan plis pase 500 lekòl segondè deziyen yo ka aplike nan jiska sèt kanpis SUNY gratis, epi ekonomize jiska 350 dola nenpòt ki lè pandan ane a. Anplis de sa, egzonerasyon frè aplikasyon an aplike pou elèv ki sou wout pou yo resevwa yon diplòm asosye nan yon kolèj kominotè SUNY pou yo ka aplike nan yon diplòm lisans ki bay kanpis SUNY. Pou plis enfòmasyon sou [pwogram egzonerasyon frè aplikasyon kontinyèl yo, tanpri vizite lyen sa a.](#)

SUNY ap elaji efò tou pou sipòte elèv yo pou yo konplete diplòm yo, ki gen ladann atravè yon replikasyon sou 25 kanpis nan kad Etid Akselere nan Pwogram Asosye (Accelerated Study in Associate Programs, ASAP) ak Akselere, Konplete, ak Angaje (Accelerate, Complete, and Engage, ACE) – yon modèl nasyonal pou amelyore retansyon ak finisman, ki lanse nan CUNY, ki te pwouve efikas atravè esè kontwole randomize – ansanm ak Re-Enroll to Complete, ki se kanpay SUNY pou travay ak re-

enskri elèv ki te soti nan SUNY ak kredi yo te touche, dèt prè elèv, epi gen okenn diplòm.

Aplikasyon pou otòn 2024 la ouvri. Pou aprann plis sou aplikasyon pou SUNY, klike sou lyen sa a [isit la](#) Aplikan yo ka aplike nan [ApplySUNY](#) oswa yo ka itilize [Common App](#).

Prezantasyon State University of New York

State University of New York, ki selebre 75èm anivèsè li ane sa a, se pi gwo sistèm edikasyon siperyè konplè nan peyi Etazini, epi plis pase 95 poustan nan tout Nouyòkè ap viv nan yon distans 48 km ak nenpòt nan 64 kolèj ak inivèsite SUNY yo. Nan tout sistèm nan, SUNY gen kat sant sante akademik, senk lopital, kat lekòl medikal, de lekòl dantè, yon lekòl dwa, pi ansyen lekòl maritim nan peyi a, sèl fakilte optometri eta a, epi li jere yon Laboratwa Nasyonal Depatman Enèji Etazini. An total, SUNY sèvi anviwon 1.4 milyon etidyan nan tout pòtfèy kou ak pwogram kredi epi ki pa mande kredi, edikasyon kontinyèl ak pwogram sansibilizasyon kominotè yo. SUNY an siveye prèske yon ka nan rechèch akademik nan New York. Depans pou rechèch yo nan tout sistèm nan te prèske 1.1 milya dola nan ane fiskal 2022 an, ki gen ladan gwo kontribisyon nan men etidyan ak pwofesè yo. Genyen plis pase twa milyon ansyen etidyan SUNY nan monn lan epi youn sou chak twa Nouyòkè ki genyen yon diplòm inivèsité se yon ansyen etidyan SUNY. Pou jwenn plis enfòmasyon sou fason SUNY kreye opòtinite, vizite [www.suny.edu](#).

###

Lòt nouvèl disponib sou sit [www.governor.ny.gov](#)

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: [ny.gov/signup](#) | Voye tèks NEW YORK bay 81336

[ANILE ENSKRIPSYON OU](#)